



Bájkkeavijssa NuorttaSálto

Giellaáhpadiddje vádnuni

- Moaddi lip virgev gæhttjalam biejadit, ja snuoggam lip juohkka sajen jus áhpadiddje sámegiella máhtudagáj gávnnuhi. Ep la vuorbástallam, javllá skávlláoajvve Sigurd Winther. Knut Hamsun js:an ælla giellaáhpadiddje.

Ij la dássju hásstalus KHjs:aj, valla navti le aj dille álles rijkkan. Bargaduvvam le álleslasj strategijan rekrutterimijn sámegiella áhpadussaj, mij dálla le guláskuddamin. Ij gal dat avtabáale udnájs gássjelisvuodajt tjoavde.

Gássjelis dille Bådádjon

- Áhpadiddjeáhpadas guhkev vihpá. Buorre le gå rijkkadásen bargaduvvá hásstalusáj, valla luodjomláhkáj ij dát viehkken boade oahppijda gudi uddni giellaáhpadasáv vuorddi, javlla Nordlándá áhpadasfylkkaráde, Trud Berg (Bb). Fylkkaráde ja Nordlándá fylkka-suohkan vájlluhi giellaáhpadiddjijt. Dille Nordlándan le gássjel moatten sajen, valla Bådádjon le stuorámus hásstalus. - Suddo gå dát dille oahppijt vájkkut. Dahkap majt máhttep dilev buoredittjat ja áhpadiddjijt áttjudit, valla udnáttij ij le ájn tjoavdedum, javllá fylkkaráde. Fylkka-suohkan aktan guovte joarkkaskávláj stádan gæhttjal dal aktijdit gássjelisvuodav tjoavdátjit. Ja fylkkaráde ij vuollána: - Ep la dájna ássjijn állim. Jus gávnnuji muhtema Bådádjon giellamáhtudagáj ja

gudi áhpadit máhtti, válldit aktivuoavd mujna, javllá Trud Berg fylkka-suohkana næhttabelláj.

TV-tjalmostibme áhpadiddjevádnun

Bájkálasj NuorajTV tjalmostij áhpadiddjedilev reportásja baktu (<http://nuorajtv.no>). Danna vuojnnusij bádj binnemusát 7 oahppe e áhpadimev oattjo julevsámegiellan, juska rávkadus le lága baktu duodastum. Akta dájs le 18-jagák Viktor Paulsen, oahppe Bodø joarkkaskávlán. Aktan klássagojmij lij sán juo árrat diededam giellaáhpadimev sámegiellan hálijdij. Gássjelisvuoda tjuovvun, gå skávlá tijma ettin hieba guhkesáhpadime hárráj. Viktorin ij le læhkám giellaáhpadibme dán tjavtja. - Vajálduhtáv majt juo lev oahppam, gå iv gielav besa adnet. Ja gå sjaddá muddo munji áhpadit gielav nuppe buolvvaj, de iv ane juojddáv áhpadit, javllá NuorajTV:aj.

Sávvá nanos giellamáhtudagáv

Le rasjes áhpadiddjedille tjabu julevsámegiellan Nuortta-Sálton, ja dát vájvet

Tæksta: Børge Strandskog
Járggálibme: Divte Media AS /
Ingrid Kintel



Viktor Paulsen (18), gen fuolkke le Divtasvuonas, le oahppe Bodø joarkkaskávlán. Sán le akta sijájs gudi dá tjavtja ælla sámegiellaáhpadimev oadtjum. Gávva: NuorajTV

Victor Paulsen (18), som har sterk tilknytning til Tysfjord, er elev ved Bodø videregående skole. Han er en av dem som i høst ikke har fått den samiskundervisningen han har krav på. Fra NuorajTV

skávlláoajvve Sigurd Wintherav Knut Hamsun joarkkaskávlán.

- Dát vuoset julevsámegiella rasjes dilev nav gáktu le, javllá. Skávlláoajven li stuorra visjávna sámeguoda hárráj skávlán.

- Mij lip guovte-kultuvralasj skávlá, ja lijma sávvat sámeguoha lij ájn vil tjelg-gasabbo sjaddat. Áhpadiddje giella-, kultuvrra- ja histávrrámáhtudagáj lij viehkken boahet sámeguodav ietjama skávlán tjalmostit, jáhkka Winther – guhti joarkká tjelggit oahppe KH joarkkaskávlán gudi sávvi giellaáhpadimev sámegiellan oadtju áhpadasáv riektáj milta, juska áhpadiddjedille le rasjes.

Sámegiellaáhpadibme le uddni Árrana baktu.

- Oahppe oajvveskávlán Hábmerein oadtju guhkesáhpadimev Árranis ietjamij studion, ja oahppe Ájluovtan oadtju áhpadimev Árranin. Dát buoragijt doajmá, valla buoremus luluj liehket jus tjoahkkit lijma máhtudagáv ietjama skávláj, javllá Sigurd Winther. Winther huoman doajvvu dille bárrán boahtteájjgáj. - Miján li læhkám moadda riek tjehpes sámegiella oahppe skávlán mañemus jagijt, gudi dal joarkká áhpadasáj allaskávláj ja universitehtajn. Ithap muhtema ihti dádna áhpadiddjen akti, sávva skávlláoajvve.



Árrana baktu oattjo guhkesáhpadimev julevsámegiellan, vuodo- ja joarkkaskávládásen. Árran álgadij dán láhkáj áhpadit guovvamáno 1999. Solvår Knutsen Turi subtsas dievdedum kapasitehta birra, valla oajvvegássjelisvuoha duola degu Bodø joarkkaskávlá hárráj le tijmmapládna. Skávlá ij le nahkam tijmajt gávnnat ma oahppijda ja Árranij hiephi. - Dájna vierttiji skávlá árrat juo barggoahet, hasot Turi. (På bildet Sandra Nystø)